

জেলার নামঃ চুয়াডাঙ্গা

প্রশ্ন ১) কত বছর বয়স থেকে ফেসবুক ব্যবহার করা যাবে?

উত্তরঃ ফেসবুক কর্তৃপক্ষ বলছে, ১৩ বছরের নিচে কেউ ফেসবুক ব্যবহার করতে পারবেন না। এদিকে, ইউরোপীয় পার্লামেন্ট বলছে, ১৬ বছর। এদিকে, আমাদের দেশে ফেসবুক ব্যবহারের নির্দিষ্ট কোনও বয়স নেই। ফেসবুকের ওই বেঁধে দেওয়া বয়সকেই নিয়ম বলে মানা হচ্ছে। বিশিষ্ট তথ্যপ্রযুক্তিবিদ মোস্তাফা জব্বার মনে করেন, যে বয়স থেকে কেউ মাউস চালাতে পারেন, বা টাচস্ক্রিন ব্যবহার করতে পারেন এবং নিজেকে নিরাপদ রাখার যোগ্যতা রাখেন, সেই বয়স থেকেই ফেসবুক ব্যবহার করা উচিত। এখানে শারীরিক বয়সটা মোটেই মুখ্য নয়। উন্নয়নের জন্য তথ্যপ্রযুক্তি প্রতিষ্ঠান আমাদের গ্রামের প্রকল্প পরিচালক রেজা সেলিম বলেন, বয়স ১৮ বছর হওয়ায় ভালো। আমি মনে করি, ফেসবুক ব্যবহারের বয়স ১৮-এর নিচে হওয়া উচিত হবে না। উন্নত বিশ্বের উদাহরণ দিয়ে তিনি বলেন, সেসব দেশে আরও কম বয়সের শিশুরা ফেসবুক ব্যবহার করে, আমাদের দেশে তা অনুসরণ করা ঠিক হবে না। কারণ হিসেবে তিনি বলেন, ওইসব দেশের শিশুদের ধ্যানধারণা, শিক্ষা, দায়িত্বশীলতা আলাদা। আমাদের শিশুরা ওদের থেকে অনেক পিছিয়ে। আমাদের শিশুদের সবকিছু বুঝতে, শুনতে, জানতে অনেক সময় লেগে যায়। এ কারণে ১৮ বছর বয়সই উত্তম।

প্রশ্ন ২) অনলাইনে pubg, freefire গেমগুলো বন্ধের উপায় কি?

উত্তরঃ এক্ষেত্রে শিক্ষক অভিভাবকদের নজরদারি বজায় রাখতে হবে। এসকল গেম আন্তর্জাতিক চুক্তির মাধ্যমে বিভিন্ন দেশে প্রচার করা হয়। ফলে সরকারের পক্ষে সবসময় এসব সম্পূর্ণরূপে বন্ধ করা সম্ভব হয় না।

প্রশ্ন ৩) ফেসবুক ম্যাসেঞ্জারে অনেক সময় আপত্তিকর কন্টেন্ট চলে আসে, এক্ষেত্রে কি করণীয়?

উত্তরঃ ফেসবুকে আপত্তিকর এড হাইড করার অপশন আছে। সেটি এক্ষেত্রে ব্যবহার করা যেতে পারে। এছাড়া ফেসবুক ইউজারের সার্চ হিস্ট্রির উপর ভিত্তি করে হোমপেজে বিভিন্ন কন্টেন্ট প্রদর্শিত হয়। এজন্য ফেসবুক ব্যবহার করার এধরনের কিছু অনুসন্ধান থেকে বিরত থাকতে হবে।

প্রশ্ন ৪) ফেসবুক একাউন্ট হ্যাক হলে কি করব?

উত্তরঃ ফেসবুক একাউন্ট হ্যাক হলে <http://facebook.com/hacked> এই লিংকে গিয়ে ধাপগুলো অনুসরণ করে একাউন্ট পুনরুদ্ধার করা সম্ভব। এছাড়া ফেসবুক একাউন্ট ক্রিয়েট করার সময় এনআইডি দিয়ে রেজিস্ট্রেশন করা মোবাইল নাম্বার ব্যবহার করা উচিত।